



ახალი

სიჭყვა

№ 12.

ორკვირეული ჟურნალი.

№ 12.

შემდეგი № გამოვა 15 სექტემბერს.

მიიღება ხელის მოწერა სასულიერო მთავრობისაგან დამოუკიდებელ ორკვირულ ჟურნალ „ახალ სიტყვაზე.“ ჟურნალის მიზანია ჩვენის ეკლესიის ცხოვრების განახლება წმ. სახარების ნიადაგზე და ბრძოლა უსამართლობასთან და ფარისევლობასთან სასულიერო უწყებაში.

ხელის მოწერის ფასი ნახევარის წლით ცხრა მანეთია. ცალკე ნომერი ოთხი აბაზი. რედაქცია სთხოვს სამრევლო საბჭოებს,

შეგნებულ სასულიერო და საერო მორწმუნე პირთ დახმარება აღმოუჩინონ მას ჟურნალის გამოწერით და ერთ დროული შემოწირულებით სარედაქციო ფონდისათვის.

ფული მიიღება რედაქციის მოლარე მღისააკ ჩეკურაშვილთან: ტფილისი, ანჩის ხატის ქუჩა, სახ. № 1.

სარედაქციო მასალები და წერილებ უნდა გამოიგზავნოს სარედაქციო კოლლეგიის რწმუნებულ მღ. ქრ. ციციშვილთან: ტფილისი, კაბგეროვის ქუჩა, № 47. რედაქცია იმავე ქუჩაზე: № 51.

დემულებანი ქორწინება-განქორწინების.

სრულიად საქართველოს საკათოლიკოსო საბჭომ შეიმუშავა და საბოლოო რედაქციით მიიღო შემდეგი კანონ-პროექტი საეკლესიო ქორწინება-განქორწინებისა, რომლის ტექსტი ჩვენ მოგვყავს გაზეთ „საქართველოს რესპუბლიკიდან“ (22 აგვ. № 22).

ამასთანავე ვაფრთხილებთ სამრევლოებს და საერთოდ მკითხველებს, რომ ეს დემულებანი ჯერ მხოლოდ პროექტია, სახელმწიფოსგან დაუდასტურებელი, კანონის ძალაში შევა მხოლოდ მას შემდეგ, როცა მას რესპუბლიკის მთავრობა დაამტკიცებს.

„დემულებანი: I. ქორწინება. 1. საქართველოს ეკლესიის წევრია, რომელსაც დაქორწინება ჰსურს, ვალდებულია შეასრულოს წესი ჯვარის წერისა.

ქორწინებას უფლება აქვს: კაცს ჩვიდმეტიდან სამოცდაათწლამდე. ხოლო ქალს თხუთმეტიდან სამოცამდე. სასძლო სასიძოს წლიანება დადასტურებულ უნდა იქნეს რომელიმე ოფიციალ დოკუმენტით.

შ ე ნ ი შ ვ ნ ა. ეპარქიის მღვდელმთავრს შეუძლიან, როდესაც ამას აუცილებელი საჭიროება მოითხოვს, ქორწინების ნება დართოს თუ კაცს ჩვიდმეტამდე, ხოლო ქალს თხუთმეტამდე ერთ წელიწადზე მეტი არ უკლიათ.

3 ქორწინებისათვის საჭიროა ქალ-ვაჟის სრული თანხმობა და ნებაყოფლობა რაც მათ უნდა გამოაცხადონ ჯვარისწერის დროს მღვდლისა და, თუ მეტი არა ორ სრულწლოვან მოწმის წინაშე, რომელოაგან ერთი ვაჟის მხრივ იქნება და ერთი ქალისა.

შ ე ნ ი შ ვ ნ ა. ქალ-ვაჟმა, მღვდელმა და მოწმებმა ეს თანხმობა უნდა დაადას-

ტურონ საკუთარი ხელის მოწერით საეკლესიო საბუთებში.

4. ქალისათვის ჩვიდმეტ წლამდე, აგრედვე ვაჟისათვისაც, თუ მას ჩვიდმეტ წლამდე უხდება ქორწინება, სავალდებულოა დედამამის ან მზრუნველის წერილობითი ნებართვა.

5. თუ ქალი და ვაჟი ისეთ სამსახურში არიან, სადაც ქორწინებისათვის სავანგებო ნებართვის გამოთხოვა საჭიროა, ასეთი ნებართვა წერილობით უნდა იყოს დადასტურებული.

6. სასიძოვრე და სასიძომ უნდა წარმოადგინონ აგრედვე ექიმის მოწმობა ცოლქმობისათვის საჭირო ფიზიკურ და ფსიქიკურ ჯანმრთელობის შესახებ.

7. ჯვრისწერა უნდა სრულდებოდეს ეკლესიაში, მიღებულის წესით.

8. ჯვრისწერა აკრძალულია: დიდსა და მარიამობისთვის მარხვებში, ხუთ დანვარს, ოცდაცხრა მარიამობისთვის, თოთხმეტ ენკენსოვეს, ოცდა ოთხ ქრისტეშობისთვის და აღნიშნულ დღეთა წინასაღამოს.

9. ქორწინებას დააყენებს: ა) სისხლითი ნათესაობა: პირდაპირი ყველა ხარისხში, არა პირდაპირი—ოთხ ხარისხში; ბ) თვისობა: პირველ ოთხ ხარისხში, მეორე—სამ ხარისხში; გ) ნათელმირონობა—ორ ხარისხში.

10. ქორწინება აეკრძალება: ა) განუქორწინებელ მეუღლეთ, ბ) ბერ მონაზონთ, და იერარქიულ პირთ და გ) სამჯერ ქორწინებულთ.

II განქორწინება.

11. განქორწინების კმასაყოფელ მიზეზად ითვლება:

ა) ცოლ-ქმარის სურვილი, ნოტარიალურად შემოწმებულ წერილობითი განცხადებაში გამოთქმული, ნებაყოფიურ განქორწინების შესახებ, რომელიც დაკმაყოფილებულ იქნება იმ შემთხვევაში, თუ მას სამი თვის შემდეგ კვლავ განიმეორებენ;

ბ) ცოლ-ქმარის ხასიათითა და რწმენით შეუფერებლობა, რომელიც შეუძლებლად ჰხდის მათს ერთად ცხოვრებას;

გ) ოჯახისათვის ცხადი უზრუნველობა, და მისდამი უყურადღებობა;

დ) ერთერთი მეუღლის მიერ სრული გამოცვლა ან სრული მიტოვება;

ე) ერთერთი მეუღლის მიერ ყველა სამოქალაქო უფლებათა დაკარგვა;

ზ) ერთი მეუღლის მიერ მეორის განზრახვის დანებება ერთი წლის განმავლობაში;

თ) ავად მოპყრობა ერთი მეუღლისა მეორისადმი;

ი) საქურისობა და განუკურნებელი მცველანობა;

ია) ვენერიული და სხვა ყოველგვარი განუკურნებელი გადამდები და სიცოცხლისათვის სახიფათო ფიზიკური სენი.

იბ) ეპილიპსია, სიგიჟე და იდიოტობა;

იგ) შვილობის წინააღმდეგ განზრახვომების მიღება;

იდ) დაშინებით, ძალდატანებით და მოტყუილებით ჯვრის წერა;

იე) არაზუნებრივი სქესობრივი აქტი;

ივ) მრუშობა;

იზ) ლოთობა.

შ ე ნ ი შ ვ ნ ა: ჩამთავრილ მიზეზებით, გარდა პირველისა, განქორწინება შეიძლება მხოლოდ იმ შემთხვევაში, თუ მათ საფუძველზე პროცესს აღძრავს მეორე, დაინტერესებული მხარე.

12. განქორწინების საქმეს აწარმოებს საეპარქიო სასამართლო.

13. ზემო ჩამოთვლილი (პარაგრაფი 11) მიზეზები, საეპარქიო სასამართლოს თხოვნით, თუ ამას საჭიროდ სცნობს, გამოძიებულ და დადასტურებულ უნდა იყოს შესაფერ სამსჯავრო-საადმინისტრაციო ანუ სამკურნალო დაწესებულებათა მიერ.

14. საეპარქიო სასამართლოს განაჩენით უკმაყოფილო მხარეს შეუძლიან, არა უგვიანეს ერთის თვისა (განაჩენის გამოცხადებიდან) საქმის გადასინჯვა ითხოვოს საკათალიკოსო სასამართლოში საქასაციო წესით.

ეს არის მთელი დებულება ქორწინება-განქორწინებისა

საჭიროა აღინიშნოს, რომ როგორც სხვა ყოველგვარი მიწერ-მოწერა, განქორწინების თხოვნები ქართულად უნდა იწერებოდეს.



საკათოლიკოსო საბჭოს დადგენილებით განქორწინების მიზოგენლობა თხოვნასთან ერთად უნდა წარადგინოს სათანადო საეპარქიო სასამართლოში თხოვნა და მისი ასლი, ჯვარისწერის მეტრიკა, ხაზინიდან ცხრა აბაზის კვიტანცია განქორწინების საქმისათვის, ორი თითო მანეთიანი მარკა და ხუთი თუმანი საქმის წარმოებისათვის.

ზემოდ მოყვანილი დებულებანი ქორწინება განქორწინებისა საქართველოს რესპუბლიკის მთავრობას წარედგინება დასადასტურებლად.

განმარტება მეცხრე მუხლისა.

პირდაპირი სისხლითი ნათესაობა ისეთი ნათესაობაა, რომელიც მშობელთა და მათ პირდაპირ შთამომავლობათა შორის არსებობს, მაგალითად, მე და ჩემი შთამომავლობა, ანდა მე და ჩემი წინაპარნი.

ორაბიპირი ნათესაობა ისეთი ნათესაობაა, რომელიც დაძმათა და მათ შთამომავლობათა შორის არსებობს, მაგალითად: მე და ჩემი შთამომავლობა ერთის მხრივ და ჩემი დაძმა და მათი შთამომავლობა მეორე მხრივ.

პირველითვისობა ისეთი ნათესაობაა, რომელსაც ამყარებს ერთი ქორწინება ორ სხვა და სხვა გვარეულობათა შორის, მაგალითად: მე და ჩემი მეუღლის სისხლითი ნათესავეები, აგრედვე ჩემი მეუღლის სისხლითი ნათესავეები.

მეორეთვისობა ისეთი ნათესაობაა, რომელსაც ამყარებს ორი ქორწინება სამ სხვა და სხვა გვარეულობათა შორის, მაგალითად: ჩემი სიძე (დის ქმარი) და ჩემი მეუღლე; აქ ორი ქორწინებაა: 1) ჩემი და ჩემი მეუღლის, 2) ჩემი დის და მისი მეუღლის, გვარეულობა კი სამია: 1) ჩემი მეუღლის, 2) ჩემი და ჩემი დის, და 3) ჩემი სიძის.

ხარისხად იგულისხმება დაბადება ერთი ადამიანისა მეორისგან, მაშასადამე იმდენ ხარისხია, რამდენიც დაბადება. ცოლი და ქმარი ცალკე ხარისხს არ შეადგენენ, ამიტომ ჩემი მეუღლის ნათესავეები ჩემთან იმავე ხარისხში ითვლებიან, რომელშიაც იმასთან.

მშობელთა და შვილთა შორის ერთი დაბადებაა, მაშ ხარიხიც ერთია; და—ძმათა შორის ორი დაბადებაა (ძმა—მშობლები, და—იგივე მშობლები) და ხარისხიც ამიტომ ორია. გერი (პირველი თვისობის ნათესაობა) მამინაცვალ—დედინაცვალთან იმავე ხარისხში ითვლება, რომელშიაც შვილი თავის მშობელთან, ხოლო ნამდვილ (ღვიძლ) შვილებთან, როგორც ღვიძლ დაძმასთან.

ნათელშირონობის ძალით აქბალუღია მხოლოდ შემდეგი ქორწინება: ნათლიისა ნათლულთან, ნათლულისა—ნათლიასთან და მის ცოლ-შვილთან და დედ-მამასთან.

მორიგი საკითხი,

საქართველოს სახელმწიფოს დამოუკიდებლობის აღდგენით დამთავრდა ის გადაშვალვი ხანა ჩვენის ეკოესიის ცხოვრებისა, როცა დარღვეულ სამართლიზნობის აღსადგენად საჭირო იყო კვალ და კვალ განგეხორციელდებინა დევიზი: ბრძოლა ყველას და ყველაფრის წინააღმდეგ, რომ დაინგრეს არსებული წესწყობილება და ნიადაგი მოუშვადდეს კაცთა შორის ახალ, ადამიანურ და სამართლიან ურთიერთობას. შნ მაისის ისტორიულ აქტით რევოლიუციონურ ნგრევის პროცესი მორჩა და იმითვე ნორჩი საძირკველი ჩაეყარა შემოქმედებეს და ფაქტიურ განახლებას.

როგორც სახელმწიფოს მართვა-გამგეობაში, ჯარში, ყოველნაირ დიწესებულებაში და ცხოვრების დარგში, ეკლესიაშიაც ეს შემოქმედებითი მუშაობა უწინარეს ყოვლისა წეს-რიგის ანუ ესრედ წოდებულ დისციპლინის დამყარება განმტკიცებაში უნდა გამოიხატოს.

მეტია ლაპარაკი, რომ დისციპლინა ერთი უმთავრეს საგანთაგანია. უწესოდ, უდისციპლინოდ არამც, თუ ადამიანთა საზოგადოება, ნადირების ხროვაც, ფრთოსანთა გუნდიც ვერ იარსებებს. მცენარეებსაც კი რიგზე, ზომით და დროს თუ გარემოებათა მიხედვით რგავენ, რომ იხარონ. თვით რევოლიუციასაც თავისი უღმობელი, ასე ვთქვათ რკინის დისციპლინა აქვს, რომ მოქმედება შეესაბამებოდეს მიზანს და სათუო სიკვდ. დაბადოსუექველი სიცოცხლე.



ქართული
ენათმეცნიერება

და ეს უსაქიროესი ძალა, ეს უმთავრესი მექანიზმი გონივრულ ურთიერთობისა— დისციპლინა დღეს ეკლესიაშია ცნება მოშლილი, როგორც ყველგან. უფროსი და უმცროსი ერთმანეთს ვერა სცნობენ; თანასწორნი ერთმანეთს ედავებიან უპირატესობას; მოვალეობათა შეგნება გაჰქა; სამაგიეროდ ყველანი უფლებას და განდიდებას ებლაუტებიან; მოქალაქობრივი შეუგნებლობა, უზრდელობა და ლოგიურ ნახტომების წყურვილი ელვის სისწრაფით იზრდება. და თუ საქმე მომავალშია დღევანდელ მიმდინარეობით წავიდა, შორს არ არის ის დრო, როცა ეპისკოპოსსა და დიაკვნს შორის თანასწორ უფლებასთან მხოლოდ ის განსხვავება იქნება, რომ პირველს ბევრი მოვალეობა ექნება, მეორეს კი ნაკლები.

სამღვდელწოდებაში დისციპლინის დაცემას გარდა საერთო მიზეზებისა, რომელთა გაღრმავება თან სდევს რევოლიუციას, სოფლად თუ ქალაქად დიდად ხელი შეუწყო ცნობილმა ხუთ შაურ—ორ აბაზის საკითხმა. უმცროსი ძმები მაშინ საქვეყნოდ გვარწმუნებდნენ, ოღონდ ეს საკითხი ჩვენ და სასარგებლოდ გადასწყვიტეთ და ჩვენ დაუყონებლივ შევიმუშავეთ ჩვენის მოვალეობის ინსტრუქციას, თვით ჩვენი ორგანიზაცია ადევნებს თვალ-ყურს, რომ ჩვენს შორის თავხედობას და უწყობას ადგილი არ ჰქონდეს. როგორც ვიცით, 1917 წლის 11—17 ეკენისთვის საეკლესიო კრებამ სწორედ ამ მოსაზრებით სავსებით დააკმაყოფილა უმცროს ძმათა ეს ეკონომიური მოთხოვნა, მაგრამ არავითარი ინტრუქცია ამავე ძმათა უფლება-მოვალეობათა დღემდე აღარ შემდგარა და არ არსებობს და ყოველი მათგანი ისე იქცევა, როგორც საკუთარი ქკუა და სინდისი გაუჭრის. მაგრამ ეს ძლიერ უვარგისი საზომია — და ვიცით მრავალი მაგალითები, რომ წიგნის მკითხველი წირვალოცვაზე დარეკის შემდეგ მოდის და მაშინ მიდის სახლში, როცა მღვდელი ჯერ კიდევ შემოსილია... და სხვანი, და სხვანი...

თვით უფროსმა ძმებმაც, სამწუხაროდ, გადაქარბებულად გაიგეს ეკლესიის დაქსამოქალაქო თავისუფლებანი და დღეს ხშირია მაგალითები, როცა მღვდელი ნება დაურთველად და ფაქტიურ საქიროების გარეშე მთელი თვეობით სტოვებს სამრევლოს და სადღაც იკარგება; ერ-

თი მოძღვარი მეორის წინააღმდეგ ყოველნაირ აგიტაციას ეწევა, რომ მის ადგილას წამოსკუბდეს; ზოგნი საყდარში და საზოგადოებაში ისე იქცევიან, რომ ერის კაცნი წითლდებიან მათ მაგივრად... საერთოდ სამღვდლო და საეკლესიო მსახურთა უმეტესობამ თავისუფლების ხანაში საკუთარ მაგალითებით გაამართლა კლემანსოს სიტყვები, რომ შეუგნებელი მონის თავისუფლება საშიშია, რადგანაც იგი პირველად თვით „თავისუფალსა“ წამლავსო.

მაგრამ შეუწყნარებელია, რომ ეს ასე გაგრძელდეს და თუ გაგრძელდა, ყოველივე პატივი აებდება არამც თუ სამღვდლოებს, თვით სჯულსა და ეკლესიასაც. საქიროა აღდგენილ და განმტკიცებულ იქმნას მიზანშეწონილი და გონივრული დისციპლინა, ყველას და ყველაფერში პასუხისმგებლობა. მაგრამ რა საზომით და თვალსაზრისით, ამაზე ჩვენ შემდეგს წერილში გამოვსთქვამთ ჩვენს აზრსა.

დოქ. ივ. შუხლაძე

სარწმუნოება სოფლად.

მიმდინარე ზაფხულს რამოდენიმე ხნით მოგვიხდა სოფლად ყოფნა. ჩვენ უმთავრესად გვანტერესებდა ხალხის სარწმუნოებრივი მდგომარეობა, — არა ის ისტორიულად ჩამოსხმულ და შეყინულ ფორმებში, რომელნიც კიდევ არსებობენ სოფლად სხვა და სხვა ადამთ—ჩვეულებების სახით, — არამედ მისი თანამედროვე სახე, როგორც ხალხის ცოცხალი გრძნობა და სულის კვეთება, — ის, თუ რა ადგილი უკავია ჩვენი სოფლის ყოველ-დღიურ ცხოვრებაში სარწმუნოებრივ მოთხოვნებს, მის ინტერესს.

სამწუხაროდ, ჩვენი შთაბეჭდილება უაღრესად დამალონებელი აღმოჩნდა. სოფელი სარწმუნოებრივ უდაბნოდ გადაქცეულა; ხალხი კულტურულად გავლურებულია; სოფელი კიდევ არსებობს ფიზიკურად, მაგრამ იგი სულიერად გადაგვარებულია, სარწმუნოებაზე და ეკლესიაზე ლაპარაკი სოფლად რაღაც ანაქრონიზმად ქცეულა, — მათ ყველა გაურბის, იგინი აღარავის აგონდებათ. არაჩვეულებრივი მკერმეტყველის ნიჭით უნდა იყოს დაჯილდოებული მქადაგებელი და უაღრესად სინ-




ტერესო თემა უნდა გადუშალოს მან თვალწინ, რომ ხალხის ყურადღება, წუთიერიად მაინც, თავისკენ გადმოხაროს და დროებით მაინც აამოძრავოს მის გულში მიძინებული სარწმუნოებრივი გრძობები.. მაგრამ სადღა ამისთანა მოძღვარი სოფლად?! სადღა მისი ცოცხალი სარწმუნოებრივი სიტყვა?! ან სად არის სასოიანი წირვა-ლოცვა?! ყველა ამის მაგიერ დაწყებული ერთგვარი „ლიკვიდაცია“ სამღვდლოების ინსტიტუტისა. დიდი უმრავლესობა ხასწავლ მღვდელთა იხდის „ანაფორას“ და ლუკმა პურის საძიებლად გარბის მრევლიდან. ხოლო ვისაც არ შესწევს გამბედაობა ან ვერ დაუთმია წმიდა სამსახური, იგი ჩაბმულა შიმშილთან და არსებობისათვის ბრძოლაში, რომელიც გაჩაღებულია მისა და მრევლის შორის. ამ ორ მებრძოლ მხარეს აღარავითარი ზნეობრივი კავშირი აღარ აერთებს. ბრძოლის სიმწვავეს შეუწყვეტია მათ შორის ყოველგვარი იდეური ძაფები და განუცალკევებია იგინი ორს შეუზრიგებელ მობირდაპირეთ:—ამგვარად, მრევლი მოსწყვეტია თავის უმთავრეს კულტურულ წყაროს, და, უპატრონოდ გარიყული, სულიერად იშრიტება..

აკვერდებით ხალხის ყოველ-დღიურ ცხოვრებას, თვალ-ყურს ადევნებთ მის მოქმედებას, მის აზროვნებას და გრძობას, მის ჭირსა და ლხინს და ნაკლებად პოულობთ მასში იმას, რასაც სარწმუნოება ეწოდება. დღით საღამომდის სოფელი ჩაფლულია დღიურ ჭირ-ვარამში; მთელი მისი ენერჯია და აზრი, შინ თუ გარედ, იშრიტება ლუკმა-პურის ძიებაში. მისი პსიხიკა შეპყრობილია მხოლოდ „კუქის საკითხით“, რომლის გარეშე მისი გონება აღარაფერს დაეძებს. მრავალი გზით და ყოველგვარი საშვალეებით იგი ესწრაფვის მხოლოდ ერთს: პუქს, ფულს და შეუკავებელს ლხინს. ხანდახან იგი „აზროვნობს“ „საზოგადო“ საკითხებზედაც, მას ეინტერესება „გაზეთიც“ და „პოლიტიკაც“, მაგრამ იმდენად, რამდენადაც ესენი მის ქონებრივ გაუმჯობესებას შეეხებიან. „კუქის“ გარეშე მისთვის აღარაფერი არსებობს. ყოველივე „სულიერი“ გამოდევნილია მის დღიურ წესრიგიდან,—იგი აღარაფერს ეუბნება არც

მის გულს და არც გონებას;—თითქოს მასში აღმოფხვრილიყოს სარწმუნოებრივი მოთხოვნილებაც. მას დავიწყებია უბრალო სიმბოლოური ნიშნები და გარეგნული გამოხატულება სარწმუნოებრივი განცდისა. როგორც შის, ისე გარედ, აღარ არსებობს მისთვის ლოცვა და პირჯვრის-წერა; მას დავიწყებია აგრეთვე მარხვა და ეკლესიის გზაც. ყველა ამის მაგიერობას ეწვევა მისთვის შეუკავებელი ლხინი, ქეიფი და გარყვნილება..

არის ერთი მოვლენა მის ცხოვრებაში, რომელიც თავზარდამცემი საშინელებით აფხიზლებს მის გონებას და აყენებს მას მირისპირ „სამარადისო საკითხებისა“,—ეს არის სიკვდილი, სწორედ ამ ილუმალობის მომენტებში უნდა ცხადდებოდეს უტყუარი სისწორით ჩვენი სოფლის სარწმუნოებრივი საღარო, მისი მეტაფიზიკა და, საერთოდ, მსოფლმხედველობა. მაგრამ, წარმოიდგინეთ, სიკვდილიც მისთვის უბრალო ფიზიკურ მოვლენად გადაქცეულა. მისგან გამოწვეულ ცვლილებაში მის ცხოვრებაში არ არის ხანგრძლივი და მასთან ერთად „ამ ქვეყნიურის“-ს საზღვრებს ვერ სცილდება. სიკვდილში იგი ხედავს მხოლოდ მახლობელ პირის დაკარგვას და განიცდის ამ დაკარგვის სიმწვავეს, მაგრამ არავითარი მეტაფიზიკური ასსოციაციები და განცდანი,—ეს ჩვეულებრივი თანამგზავრნი სიკვდილის შთაბეჭდილებისა, არ აღელვებენ მის სულსა და შეგნებას. ამიტომაცაა ჩვენი ხალხისთვის ასე მძიმე და უნუგეშო სიკვდილი..

გაუგებრობის თავიდან ასაცილებლად უნდა შევნიშნოთ, რომ ჩვენ ამით არ უარყოფთ ჩვენი ხალხის საერთო ბუნებრივ სარწმუნოებრივობას. როგორც თავშივე აღვნიშნეთ, ჩვენ ვეხებით მის სარწმუნოებრივობას დღევანდელ მომენტში, როგორც ფაქტს და როგორც ფაქტორს მისი სულიერი ცხოვრებისას და ამ მხრით კი კიდევ უნდა გავიმეოროთ, რომ ჩვენი სოფლის დღევანდელს ცხოვრებაში სარწმუნოებას აღარავითარი სარბიელი აღარ დარჩენია. საუკუნოებრივი ტრადიციით მომდინარე მისი ეთიური ძალა ჩვეულებრივი ინერციით კიდევ მოქმედობს მასში, მაგრამ აქაც ეს ძალა ძლიერ მკრთალია და მას ადვილად ჩრდილავენ



„დღიურ“ საკითხებით გამოწვეული მისი სულიერი მოძრაობანი, რომელიც სრულიად დაუფლებიან ჩვენი ხალხის პსიხიკას. და აი ამ სარწმუნოებრივობის დაცემასთან ერთად, ჩვენს მდაბიო ხალხში იმარბება მისი სულიერი „კულტურაც“, ვინაიდან დღემდე ჩვენი ხალხის განმაკეთილშობელი კულტურული ძალა არის მხოლოდ სარწმუნოება; იგია მისი კოსმოგონია, მისი ეთიკა და მთელი მსოფლმხედველობაც, რომლის დაცემასთან ერთად იზრტება და ცალიერდება ხალხის პსიხიკა და რომლის დანაკლისს და მაგიერობას ვეღარ ავსებს სხვა რომელიმე კულტურული ძალა. ხალხის უგუნურნი მქადაგებელნი ძალიან შეეცადენ შეერყუათ და მოესპოთ სარწმუნოება და სამაგიერო კი ვერაფერი მისცეს და არც შეიძლებოდა ამის სამაგიეროს მიცემა.

და დღეს ჩვენი ხალხის ბუნებაში, რომელსაც შეუხუსტეს უმაღლესი სარწმუნოებრივი „რეგულიატორი“ ცხოვრებისა, ამოიშალნენ მთელი თავისი სიძლიერით და საშინელებით მასში ჩამარბული დაბალი ინსტიქტები და ჩვენი სოფელიც ამ უამად ამ ველურობის მსხვერპლად იქცა.

დიდი და სპაუსხისმგებლო მუშაობაა საქირო საქ. ეკკლესიის მცსვეურთა, რომ ხალხის ზნეობა და სარწმუნოებრივობა შესაფერ სიმბოლემდის აიყვანონ.

სოფლელი.

სარწმუნოება ღ ზნეობა.

(გაგრძელება. იხ. „ახ. სიტყვა“ № 11)

იესო ქრისტემ და მისმა მოციქულებმა ამცნეს კაცობრიობას, ვინ არის ღმერთი და როგორ უნდა ვსცეთ მას თაყვანი და რითი შეგვიძლია მოვიპოვოთ სიყვარული ყოვლად მოწყალე, ყოვლად კეთილ ზეციერ მამისაგან. ღმერთი—ღმერთია არა ერთი რომელიმე ხალხისა, როგორც ფიქრობდენ ებრაელები, არამედ ყველასი: „არ არის ურიაობა, არცა წარმართება, არამედ განურჩევლად შეილები ვართ ერთი ღმერთისა, ზეციური მამისა“, ამბობს მოციქული. ჩვენსა და ღმერთს შუა მამაშვილური დამოკიდებულება არის. ყოვე-

ლივე მისი მოქმედება ჩვენ შესახებ განუსაზღვრელი სიყვარულით არის აღბეჭდილი. თუ ვინმე შესცოდავს (უცოდველი კი არავინ არ არის) და ამ ცოდვას იგრძნობს, შეინანიებს და გულმოდგინეთ შეივედრება, სთხოვს პატივებას, ყოველთვის მზათ არის მისი ვედრება შეიწყნაროს. (ლუკ. 15). აგრეთვე უჩვენეს კაცობრიობას, თუ როგორ უნდა მოეწყოს მას ოჯახი და საზოგადოებრივი ურთიერთობა. დედაკაცს მიენიქა შესაფერი უფლება, ის გაუთანასწორდა მამაკაცს გაისმა ხმა: „არ არის რჩევა მამაკაცისა, არცა დედაკაცისა“ (გან. 2, 28). ცოლმა თავი დააბწია მონობას, გახდა ქმრის თანაშემწეთ, დაიკავა მასთან თანასწორი ადგილი. დედამამს სავალდებულოდ გაუხადეს შვილების აღზრდა—სწავლები. გაბედულად დაიწყეს ქადაგება: „არცა მონობა, არცა აზნაურობა“. მონა განთავსუფლდა თვისი სამარცხვინო მდგომარეობიდან და შეიქნა თვისი ბატონის ძმით და ამასთან ერთად მოისპო სახელი „მონა“. ქრისტიანობამ შესცვალა შეხედულობა შრომაზე რომელსაც კერბთაყვანის მცემლობის დროს სთვლიდნენ ადამიანის ღირსების დამამცირებლათ. ქრისტიანობის გამოცხადების პირველი დღეებიდგანვე შრომა სავალდებულოთ გახდა ყველასათვის. „უკეთუ ვისმეს არ უნდეს საქმისა ნურცა სკამს“, ამბობდენ მოციქულები. კანონმდებლობაში ქრისტიანობამ მოსპო ჯვარზე გამსჭვალვით დასჯა, უსასტიკესი ფორმა, სიკვდილით დასჯისა. გლადატარობა გადავარდა, ბავშვების გადაყრა აიკრძალა, თვით ადამიანის ზნეობრივ მხარეში პირველი ადგილი დაეთმო სიმშვიდესა და სიყვარულს. „გიყვარდეთ მტერნი თქვენნი და აკურთხევდით მაწყევართა თქვენთა და კეთილს უყოფდით მოძულეთა თქვენთა“, პირველიდ გაიგონა კაცობრიობამ. სიმდიდრეს შესაფერი შეფასება მიეცა. ყველას თვისი ქონება ღარიბთათვის უნდა ვაენაწილებია. აქედგან ეკონომიური დამონავება ერთი კლასისაგან მეორესი ისპობოდა. აღმოცენდა და სისწრაფით გაიზარდა ქველმოქმედება—პატრონობა დასახიჩრებულთა, მოხუცებულთა და ავათმყოფთა. შეცოდება და შეწყნარება სხვისა ადამიანის მეორე ბუნებათ



გარდაიქცა. ნაციონალური განსხვავება მოი-
სპო; ამაყი რომალი და ბერძენი თანდათან
შეეჩვიენ აზრს, რომ ყოველნი შვილნი ვართ
ერთი და იგივე მამისა, უზენაეს არსებისა—
ღვთისა. პიროვნება ადამიანისა ამაღლდა.

(დასასრული იქნება).

ბაჯიჩელი.

ღვთის მსახურებისათვის

3. ტაძარი და მისი მოწყობილობა.

კაცს ყველგან შეუძლიან ლოცვა-ვედრე-
ბის შესრულება, რადგან ღმერთი ყველგან მყო-
ფი არსებაა, მაგრამ სარწმუნოებრივი გრძნო-
ბების გამაძლიერებელ და ხელის შემწყობ პი-
რობად ითვლება ტაძრები, გამშვენებული სარ-
წმუნოებრივ ხასიათის საგნებით. ყოველი კაცი
უძლილობს თავისი ყოველდღიური სადგომი
რაც შეიძლება კარგი და მოხდენილი იყოს.
მით უმეტეს სავალდებულოა მორწმუნეთა კრე-
ბისათვის ეზრუნოს ეკლესიის კეთილშეგენიე-
რებისათვის. ამ მხრივ კათოლიკებს და ლიუტე-
რანებს უფრო კარგათ აქვთ საქმე დაყენებუ-
ლი. მათი ეკლესიები ყოველ მხრივ აკმაყოფი-
ლებს მლოცველის მოთხოვნილებას. ლამაზი,
ნათელი, ზამთარში თბილი, მათი ეკლესიები
უნებლიეთ ეზიდავს მლოცველს. ჩვენი სოფ-
ლების ეკლესიებს კი ამ მხრივ ბევრი ნაკლუ-
ლევანობა აქვთ. მაინც ჩვენში, სოფლებში, უფ-
რო ეკლესიების გამრავლებას მისდევენ, ვიდრე
მათ მოწყობილობას და მლოცველთათვის ხე-
ლის შემწყობილობას. სოფლებები ძალიან
ხშირად ერთმანეთის ქიშპობით აშენებენ ეკლე-
სიას, ყველას უნდა ახლოს ჰქონდეს იგი. ამით
აიხსნება სიღარიბე და მოუწყობლობა სოფ-
ლის ეკლესიებისა განსაკუთრებით. ზამთარში
მაინც სოფლის ეკლესიებში წირვა-ლოცვის
მოსმენა პირდაპირ ღვაწლია. ბევრგან ეკლესი-
ებში ქარ-ბუქს არაფერი არ აკავებს, ახლა
მორთულობა იკითხეთ. შესამოსი დაგლეჯილ-
დახლეწილი, რა მატერიისაა ან რა ფერისაა,
კაცი ვერ გამოიცინობს. ადამის წლის ქუჭუკი
ზედ აკრავს. კანკელის მხატვრობა ხომ ზოგ-
გან პირდაპირ დასაფეთებელია. ხშირად სასოფ-
ლო კომიტეტები, ეკლესიის სამშენებლო,
სიაფასათვის მოიწვევენ ხოლმე უბრალო მღე-
ბრებს და ახატვინებენ კანკელებს, ერთ დროს

ასეთი მხატვარი იყო ვინმე ტარიელოვი, რომ-
მელმაც ქართლში თავის არა კეთილად სახე-
ნებლად მრ. კანკელი დახატა. საჭიროა ხალხს
შეგავანებინოთ, რომ ეკლესია უფრო მოწყო-
ბილი გამშვენებული უნდა იყოს, რომ კაცს
იზიდავდეს და აღძრავდეს სალოცავად. სჯობია
მეტე სოფელი შეერთდეს, ცოტა სიშორეს არ
დაერიდოს და რიგიანი ეკლესია კი აიშენონ,
ფართე გალავნით, სადაც ძველები რად, საჩრდი
ლობელი ხეები უნდა ამშვენებდეს ეკლესი-
ის გარემოს. შეერთებულის ძალით უფრო
ადვილი იქნება დიდი მრევლისათვის კრებუ-
ლის შენახვა და საეკლესიო სხვა საჭიროებითა
დაკმაყოფილება, როგორც მაგ. მაგალობელ
გუნდის შენახვაა და სხვა ამგვარი საქმე.

დიდი ყურადღება უნდა ექმნეს მიქცეული
საეპარქიო მთავრობათა მიერ, ეკლესიების აშე-
ნების დროს არ იქმნეს დაფიწყებული შენობის
ზოგიერთი ტექნიკური საჭირო მოთხოვნილე-
ბანი. სული ადვილი საქმეა ქვეთკირის ეკლესი-
ას საკურთხეველში დაყოლონ ოსტატებმა
მაგ. ნახშირის გასაღებელი, რომლის მილიც
აყვანილ უნდა იქნეს სახურავს ზევით. მაშინ
აღარც მხრჩოლავი კვამლი გადავება ეკლესიაში
და აღარც მნათეს დასჭირდება შორს სიბილი სა-
ცეცხლურით. ეკლესიებისთვის აგრეთვე აუცი-
ლებელია სახმილების (ფეხების) ქონაც, რომ
გაცივებულ ეკლესიაში ზამთრობით კაცს არ
გაუხდეს ფეხების ბაკა-ბუკი და იმაზე ფიქრა ან
ვედრება, ღმერთო, შემაძლიებინე წირვის, ან
ლოცვის, გათავებამდე როგორმე შევიძლო
ეკლესიაში დგომაო.

აქვე ვიტყვი კათოლიკე და პროტესტან-
ტების ეკლესიების ერთ თვისებაზე-ეკლესიე-
ბში სკამების ქონებზე. გვგონია, რომ ფართე
ეკლესიაში სადაც საკმაოა ადგილი, შეიძლება
სკამები ჩვენც შემოვიღოთ. აქ, ამ ახალშემო-
ლებაში, არავითარი დოგმატიური მხარის დარ-
ღვერა არარის. ეს ჩე ულება არის, ვისაც მოს-
წონს შემოიღებს, ვისაც არა, არ შემოიღებს.
იმას ხომ ვერ ვიტყვით, რომ კათოლიკე-პრო-
ტესტანტებს ეს ურწმუნოებით მოსდიოდეთ,
ან სისულელით, ებრაელებსაც ჰქონდათ და აქვთ
საჯლომება სალოცავებში. ჩვენს ეკლესიებ-
შიაც უდგამდენ ხოლმე სავარძლებს მეფის გვა-
რიშვალებს და მეფეებს. თვით მღვდელმთავრე-

ბსაც და მღვდლებსაც აქვთ სკამები და საფარ-
ძლები საკუთხეველში და მოისვენებენ ხოლმე,
როდესაც დასჭირდებოთ ლოცვის დროსაც.
ასევე შეიძლება ერის კაცთათვისაც გამართულ
იქმნეს საჯდომები. ტფილისში მაინც ეკ-
კლესიები ბევრია და დიდებიც და მლოცველე-
ბი ნაკლები, ასე რომ სკამების გამართვა ასეთს
ეკლესიებში მოსახერხებელია და მლოცველებ-
საც მეტხანს შეაჩერებს ეს გარემოება ეკლესი-
აში. შეიძლება უფრო მეტმა ხალხმაც იაროს
ამით ეკლესიებში, როგორც კათოლიკე-პრო-
ტესტანტებისაში ხდება. ამით ეკლესია და სა-
რწმუნოება არაფერს არ დაჰკარგავს, პირიქით,
უფრო შეაყვარებს ხალხს ეკლესიაში სია-
რულს, თუ ამასთანავე ერთად მიექცევა, რასა-
კვირელია, ყურადღება გალობის, ქადაგების და
კითხვის გაუმჯობესობა—გამწვენებას.

დემ. ქრ. ციციშვილი.

მესხელას მოწოდებ- ის გამო.

დღემიწახე არ უნდა მოიძებნებოდეს ისეთი ადა-
მიანი, რომელსაც ყველას გულის მოგება შეეძლოს.
იმითომ, რომ კაცს ერთი მხრით აუ შეუძლია ყველა-
სთან სამართლიანი და შეუტოვებელი იყოს, ხოლო
მეორე მხრით ადამ ანი თავის თვალში თუ ხშირათ
დირეს ვერ ამჩნევს, სხვისაში ბევრი არ დავმალდება
და, ამ ჭრელ დროს მაინც, ძლიერ აღზფოთდება,
როდესაც ვინმე გაკადნიერდება და თვალდგან დვი-
რეს ამოდებას ურჩევს, თუ გინდა მრჩეველი მი ი პირ-
დაპირი უფროსი და რჩევა-დარიგების ვალდებულიც
იყოს. მაგრამ ადამიანი, თუ მასში პატიოსნება და კე-
თილგონი რება არის, აფიციალურის და საპასუხის-
მგებლო საქმის სათავეში მდგომის პიროვნების შესა-
ხებ უნდა მსჯელობდეს არა საკუთარი სიმპატია ანტი-
პატიით მისდამი, არამედ იმ თვალსაჩინო დვაწლის
მიხედვით, რომელიც მს მიუძღვის საზოგადოების
წინაშე.

წაულ წელში საქათალიკოსთ ორი ღირსეული
კანდიდატი იყო დას ხელგებული: კირიანი და ეპ. ლე-
ონიდი, რომელნიც თითქმის ერთნ. ირად იქმნენ არჩე-
ულნი საკათალიკოსო კანდიდატებად.

დღეს რომ ქართველ იეჩარქიაში მიტროპოლი-
ტი მამა ლეონიდი ღირსეული საქათალიკოსო კანდი-
დატია, ე' ცხადზედ უცხადესია ყვეელი შეგნებული

ქართველისათვის. ამითომ, ვუერთებ რა ჩემს სუსტ
ძმას ბ-ნ მესხელისას, დ. რწმუნებული ვარ მ.
ლეონიდიანს ახლავე საქათალიკოსო კათედრა-
ზე ალყვანის აზრს სიხარულით გაიზიარე-
ბენ, როგორც ყველა ჩვენი მღვდელმთავრები,
ისე მთელი შეგნებული ნაწილი ჩვენი სასულიერო და
საერო წოდებისა.

იმერეთის ეპარქიის სოფელ ღორეშის ეკლესიის
მღვდელი სიმონ კუშბურჩიძე.

ქრონიკა.

✓ 25 აგვისტოს კირას სიონის ტაძარში გადახდილ
იქმნა ტყონდიდლის მიტროპოლიტის ამბროსისა და
ტფილისის სამღვდლოებისაგან პარაკლისი და
ტფილელ მიტროპოლიტის ლეონიდის 30 წლის სამ-
სახურის შესრულებისა გამო სამღვდლო ხარისხში.
პარაკლისის წინ ტყონდიდელმა მიტროპოლიტმა
გრძობიერის და მჭევრმეტყველურის სიტყვით მიმართა
იუბილიარს და თან აღნიშნა, რომ საქართველოს ეკ-
კლესიის თაოსნობა, მისი მესაბუება შეჭფერის დღეს
ამ ეკლესიის ტირნახულ მოამაგეს მიტროპოლიტ ლე-
ონიდს. პარაკლისის შემდეგ მიულოცეს იქვე ამბროსზე
მდგომ მიტროპოლიტ ლეონიდს 30 წლის ნამსახურო-
ბა საქ ეკლესიისადმი სხვა და სხვა დაწესებულების
წარმომადგენლებმა და კერძო პირებმა. შინაარსიანის
და საგულისხმეო სიტყვა წარმოსთქვა არქიმ. ნაზა-
რმა; ჩვეულებრივის მჭევრ მეტყველობით დაასურათა
მიტრ. ლეონიდის მოდვაწეობა ბ. ივანე რატიშვილმა.
ხალხი ბევრი იყო ტაძარში, თუმცა მეტი იქნებოდა
გაცილებით, რომ დროზე, გამოცხადებულიყო გაზეთე-
ბში, თუ განზრახული იყო აღნიშნული პარაკლისი.

✓ ტფილელმა მიტრ. ლეონიდმა აღძრა მთავრობის
წინაშე საკმე სამღვდლოებისათვის ჯამაგირის დანი-
შვნაზე. ამის თაობაზე შინაგან საქმეთა მინისტრი ნ.
რამ შვილი ინახულეს მიტროპოლიტებმა ლეონიდმა
და ამბროსიმ და უბრუნელმა ეპ. დ ვითმა. მთავრობა
შეგპირდა ჯამაგირის დანიშვნას ამ დროის შიხედვით.

რედაქციისაგან: ვთხოვთ იმ პირთ, ვისაც გა-
ვგზავნათ დასაგზავნად პირველი ნომერი „ახალ სიტ-
ყვისა“, თუ გადარჩა ამ ნომრის ვგზემპლიარები, და-
გვდონ ვალი და გამოგვიგზავნონ რედაქციაში, რომე-
ლსაც ეს № 1 აღარ მოეპოვება.

გამომცემელი ქ. ტფილისის ამღვდლოება.
„ახალ სიტყვის“ სარედაქციო კოლლეგიის რწმუნე-
ბული დემ. ქრ. ციციშვილი.